

Vendimi i PSSP-së për ankesën e z. Nebojsha Petkoviç (nr. 125/09 dhe 126/09)

Pas shqyrtimit të mendimit dhe rekomandimeve të Panelit tim Këshillëdhënës për të Drejtat e Njeriut për ankesën e z. Nebojsha Petkoviç (nr. 125/09 dhe 126/09), më 24 prill 2014 unë e informova Panelin tim Këshillëdhënës si vijon:

- Që në fillim dëshiroj të shpreh falënderimet e mia për punën e Panelit dhe për rekomandimet që i ka bërë lidhur me këtë ankesë.
- Sa i përket rekomandimit të parë, UNMIK-u, ashtu siç është rekomanduar nga Paneli, do të vazhdojë të nxisë EULEX-in dhe autoritetet tjera kompetente që të vazhdojnë me marrjen e të gjitha hapave të mundshëm, për të siguruar që hetimi penal për zhdukjen e prindërve të ankuesit, z. Zhivko Petkoviç dhe znj. Desanka Petkoviç, të vazhdojë dhe autorët e veprës të sillen para drejtësisë.
- Lidhur me rekomandimin e dytë të Panelit, shpreh keqardhje se nuk është zbatuar hetim efektiv për zhdukjen e prindërve të ankuesit që shkaktoi shqetësim dhe vuajtje mentale.
- Paneli po ashtu ka rekomanduar që unë të ndërmarr hapat e duhur për pagimin e kompensimit adekuat ankuesit për dëmin moral, dhe të ndërmarr hapa në drejtim të realizimit të një programi reparacioni të plotë dhe gjithëpërfshirës. Në këtë aspekt, dëshiroj të kujtoj se aktet në fjalë lidhen me aktivitetet e kryera nga institucionet e themeluara nën administrimin e përkohshëm të Kosovës. Për rrjedhojë, po të kish vazhduar UNMIK-u të ketë kontroll mbi këto institucione sot, UNMIK-u do të ishte në pozicion që rekomandimet e Panelit t'ua referojë këtyre institucioneve për veprimin e duhur. Unë jam i gatshëm të diskutoj me autoritetet përkatëse për mundësinë e krijimit të një mekanizmi për t'u marrë me çështjet e tillë në rrethanat e duhura.
- Së fundi, lidhur me rekomandimin e pestë që ka të bëjë me garancitë për mospërsëritje, dëshiroj të theksoj se UNMIK-u nuk kryen më funksione policore, duke përfshirë edhe hetimet policore. Në këtë aspekt, dua të kujtoj se Paneli është themeluar nga UNMIK-u me mandatin për të shqyrtuar ankesat nga çdo person apo grup të individëve të cilët pretendojnë se janë viktimi e shkeljes së të drejtave të tyre të njeriut nga UNMIK-u. Gjithashtu dëshiroj të kujtoj se mandati i UNMIK-ut, dhe po ashtu edhe mandati i PSSP-së, është i kufizuar në atë që është paraparë në Rezolutën e Këshillit të Sigurimit 1244 (1999) e cila ka evoluuar gjatë kohës nën drejtimin e Këshillit të Sigurimit.
- Si çështje e përgjithshme, Paneli mund të dëshirojë të dijë gjithashtu se organet kryesore të Kombeve të Bashkuara kanë miratuar disa rezoluta dhe vendime që pasqyrojnë rëndësinë e promovimit dhe mbrojtjes së të drejtave të njeriut, duke përfshirë edhe Kombet e Bashkuara. Po ashtu, Organizata vazhdon të bëjë ndryshime për të përmirësuar punën e saj për të ardhmen në kuadër të hapësirës së Kombeve të Bashkuara ku mund të bëjë ndryshime. Në këtë aspekt, do të vazhdojë përpjekjet në përbushjen e misionit të tij themelor që është mbrojtja e njerëzve nga dëmtimet.

/Nënshkrimi/

Farid Zarif

Përfaqësues Special i Sekretarit të Përgjithshëm